

爾雅說詩

爾雅說詩卷十一

新城王樹枏

釋訓第三

釋文云張揖雜字云訓者謂字有意義也案釋詁已下三篇皆釋古今之語方俗之言意義不同故立號亦異至於訓釋墳典其實一焉邢疏云此所釋多釋詩文故郭氏卽以詩義解之

明明斤斤察也

大雅大明明明在下毛傳云明明察也常武赫赫明明傳云明明然察也斤斤者周頌執競斤斤

其明傳云斤斤明察也鄭箋云爲周明察之君斤斤如也

條條秩秩智也

釋文云條條舍人本作攸攸沈亦音條蓋沈旋亦作攸音條也唐風遠條且毛傳云條長也條條者智慮之長也條從攸得聲故相通借攸與悠亦相通小雅十月之交悠悠我里爾雅釋文作攸攸我里下文云悠悠思也思從囟從心智卽由囟與心出焉

西人專言思從腦出而不言心其義未備

鄭風子衿悠悠我心秦

風渭陽悠悠我思悠悠皆訓思而智由思而見故

攸攸亦可借爲悠悠也 秩秩者秦風小戎秩秩
德音傳云秩秩有知也彼釋文云知音智本亦作
箭箭智小雅巧言秩秩大猷傳云秩秩進知也賓之初
筵左右秩秩箋云秩秩知也彼釋文竝云知音智
穆穆肅肅敬也

周頌清廟於穆清廟肅肅雝顯相毛傳云穆美肅敬
正義引書大傳云穆者敬之言穆爲敬之美也重
言之則曰穆穆肅肅文王穆穆文王於緝熙敬止
穆穆卽形容敬止之義魯頌泮水穆穆魯侯敬明
其德敬慎威儀維民之則穆穆卽形容敬明敬慎

之義周頌雝天子穆穆雝係禘太祖之詩穆穆與
至止肅肅同義箋云肅肅敬也蓋同形容在廟之
象祭祀大典不言敬而敬可知矣商頌那穆穆厥
聲亦祭祀之詩穆穆蓋樂聲之敬肅也故下云溫
恭朝夕執事有恪肅肅者周南兔罝肅肅兔罝大
雅思齊肅肅在廟烝民肅肅王命傳箋竝云肅肅
敬也

諸諸便便辯也
竊疑諸諸便便爲小雅巷伯緝緝翩翩捷捷幡幡
之異文緝捷諸雙聲翩翩便疊韻毛傳云緝緝口

舌聲翩翩往來貌捷捷猶緝緝幡幡猶翩翩也彼

釋文云緝說文作舁翩字又作扁捷如字又音妾

幡若煩反此皆以聲爲義無定訓也諸諸便便蓋

亦如是譖人譖言卽辯也諸者說文云辯也本爾

雅諸諸者謂言辯之眾也

論語季氏篇友便佞集解引鄭注云便辯也鄉

黨篇便便言集解引鄭注云便便言辯貌皆本爾雅

便便通作平平小雅采

菽平平左右彼釋文引韓詩作便便傳云平平辯

治也

肅肅翼翼恭也

肅肅訓爲敬又爲恭恭與敬實一義也小雅黍苗

肅肅謝功鄭箋云肅肅嚴正之貌嚴正卽恭也

翼翼者小雅六月有嚴有翼毛傳云翼敬也大雅
文王厥猶翼翼傳云翼翼恭敬也大明小心翼翼
鄭箋云翼翼恭慎貌商頌常武緜緜翼翼傳云翼
翼敬也敬卽恭也

靡靡優優和也

靡與離邕雍古皆通用文選四子講德論注引爾
雅作邕邕和也笙賦注引作雍雍和也大雅思齊
離離在宮周頌離有來離離傳箋竝云離離和也
漢書劉向傳韋元成傳竝作有來雍雍集注云雍

雍和也小雅蓼蕭和鸞雝雝賈子容經作和鸞雍
雍大雅文王有聲鎬京辟廱鹽鐵論繇役蕭作鎬
京辟雍下文雍雍釋文云雍本或作雍又作廱

優者大雅瞻卬維其優矣箋云優寬也卽寬和之
義重言之則曰優優商頌長發敷政優優傳云優
優和也說文引作布政憂憂優從憂亦同音相假
兢兢繩繩戒也

說文云戒警也小雅采芣豈不日戒箋云警飭軍
事也大雅常武旣敬旣戒箋云警戒六軍之眾小
雅楚茨鐘鼓旣戒大田旣種旣戒皆謂警備也兢

說文作競云敬也常武箋云敬警也小雅小旻戰戰兢兢傳云兢兢戒也大雅雲漢兢兢業業傳云兢兢恐也恐卽戒也繩繩者大雅下武繩其祖武傳云繩戒也後漢東平憲王蒼引詩作慎其祖武戒慎同義周南螽斯宜爾子孫繩繩兮傳云繩繩戒也大雅抑子孫繩繩箋云繩繩戒也

管子宙合

篇故君子繩繩乎慎其所先亦以慎釋繩繩

戰戰蹉蹉動也

戰戰者小雅小旻戰戰兢兢毛傳云戰戰恐也郭

注所謂恐動也

漢書高五王傳股戰而栗股戰卽動也

蹉蹉者齊

風猗嗟巧趨蹌兮傳云蹌巧趨貌趨卽動也郭注所謂趨步也小雅楚茨濟濟蹌蹌傳云蹌蹌言有容也謂動作之容也

晏晏溫溫柔也

晏晏者衛風氓言笑晏晏毛傳云晏晏和柔也後漢書注引爾雅云晏晏溫和也當是舊注之文

溫溫者小雅小宛飲酒溫溫克釋文引王肅注云溫柔也溫溫恭人傳云溫溫溫和柔貌賓之初筵溫溫其恭箋云溫溫柔和也大雅抑溫溫恭人傳云溫溫寬柔也慧琳一切經音義七十六溫適注引鄭

注爾雅云溫謂和柔也與傳訓同六豳豳者畏懼
業業翹翹危也

說文云危在高而懼也業業者商頌長發有震且
業毛傳云業危也大雅召旻雲漢兢兢業業鄭箋
竝云業業危也常武赫赫業業傳云業業然動也
震動亦危也翹翹者幽風鴟鴞予室翹翹傳云
翹翹危也

惴惴僬僬懼也

惴惴者秦風黃鳥惴惴其栗說文云惴憂懼也引
詩惴惴其慄毛傳云惴惴懼也僬僬者幽風鴟

鴟予維音曉曉釋文云憭憭本又作曉曉字林云
懼也案詩云予維音曉曉是也憭曉同字毛詩作
曉三家詩當有作憭者傳云曉曉懼也

番番矯矯勇也

番番者大雅崧高申伯番番毛傳云番番武勇貌
也矯矯者舍人云得勝之勇也魯頌泮水矯矯
虎臣鄭箋云矯矯武貌矯與蹻通周頌酌蹻蹻王
之造傳云蹻蹻武貌武與勇一也魯頌泮水其馬
蹻蹻傳云蹻蹻言強盛也大雅崧高四牡蹻蹻傳
云蹻蹻壯貌強壯皆與勇義近

桓桓烈烈威也

桓桓者周頌桓桓武王鄭箋云桓桓有威武之武
王魯頌泮水桓桓于征毛傳云桓桓威武貌烈
烈者小雅黍苗烈烈征師箋云烈烈威武貌商頌
長發相土烈烈傳云烈烈威也又云如火烈烈箋
云其威勢如猛火之炎熾小雅采芣憂心烈烈箋
云烈烈憂貌非也言憂心之熾盛意雖不同而其
義則一也

洸洸赳赳武也

洸者邶風谷風有洸有潰毛傳云洸洸武也大雅

江漢武夫洸洸傳云洸洸武貌鹽鐵論引作武夫

潢潢光黃古通字

書堯典光被四表後漢書作橫被四表樂記云橫以立武王篇

作趨云胡光切謂作力貌橫潢趨俱從黃得聲黃又與皇同聲故舍人本作惶皆以聲相假也

赳赳者說文云輕勁有才也周南兔置赳赳武夫

傳云赳赳武貌後漢書桓榮傳注引作糾糾武夫

亦同音假借字也

藹藹濟濟止也

止者鄘風相鼠人而無止大雅抑淑慎爾止鄭箋

竝云止容止也藹藹者大雅卷阿藹藹王多吉士

毛傳云藹藹猶濟濟也文王濟濟多士傳云濟濟

多威儀也小雅楚茨濟濟跄跄彼釋文云濟濟大夫之容也大雅棫樸濟濟辟王箋云文王臨祭祀其容濟濟然齊風載驅四驪濟濟傳云濟濟美貌亦謂容也孫炎云濟濟多士之容也

悠悠洋洋思也

釋詁云悠悠思也周南關雎悠哉悠哉寤寐思服毛傳云悠悠思也悠哉悠哉形容其思之長久也鄘風載馳驅馬悠悠鄭風子衿悠悠我心秦風渭陽邶風終風雄雉悠悠我思泉水我心悠悠皆謂思也小雅十月之交悠悠我里傳云悠悠憂也謂憂思

也 洋洋者邢疏云洋洋養音義同邶風二子乘舟
中心養養箋云念我思此二子心爲之憂養養然
蹶蹶蹻蹻也

蹶蹶者唐風蟋蟀良士蹶蹶毛傳云蹶蹶動而敏
於事 蹻蹻者小雅楚茨執爨蹻蹻傳云蹻蹻言
爨竈有容也謂執爨敏捷之容也說文云蹻長脰
行也長脰行則敏捷可知

薨薨增增眾也

薨薨者周南螽斯羽薨薨兮毛傳云薨薨眾多也
大雅緜度之薨薨正義云輒輒薨薨皆是眾多之

義齊風雞鳴蟲飛薨薨當亦訓爲眾也 增增者

魯頌閟宮烝徒增增傳云增增眾也

蒸蒸遂遂作也

義詳訂經

委委佗佗美也

此釋鄘風君子偕老委委佗佗毛傳云委委者行

可委曲蹤迹也佗佗者德平易也傳謂其德美如

山無不容河無不潤彼釋文引韓詩云德之美貌

皆就德美而言郭注謂皆佳麗美豔之貌孫炎謂委

委行之美佗佗長之美李巡曰容之美也皆就貌